



Til: Svanhvít Antonsdóttir Michelsen <dandy@egilsstadir.is>
Efni: Re: 201906113 - Tillaga að b
Upplýsingar: Sent: 03.01.2020 12:06:40 af Trausti Baldursson, Málsnúmer: 2019110028, Málalýklar: 42-0 Umsagnir almennt

Tilvísun í mál: 2019110028

Vísað er til meðfylgjandi tölvupósts frá Fljótshéraði, dags. 28. nóvember sl., þar sem óskað er eftir umsögn Náttúrufræðistofnunar Íslands um skipulagslýsingu vegna tillögu að breytingu á deiliskipulagi vegna áforma um vindorkunýtingu við Lagarfossvirkjun og nágrenni. Svæðið sem lýsingin nær til er iðnaðarsvæði I3 Lagarfossvirkjun skv. Aðalskipulagi Fljótshéraðs 2008 – 2028. Fyrirhuguð breyting gerir ráð fyrir að reistar verði tvær vindmyllur, samtals allt að 10 MW á iðnaðarsvæðinu.

Náttúrufræðistofnun hefur farið yfir framangreinda lýsingu með hliðsjón af hlutverki stofnunarinnar og telur lýsinguna almennt vera greinargóða um þau atriði sem þarf að skoða í væntanlegu skipulagsferli en þar er t.d. bent á að svæði er innan mikilvægs fuglasvæðis, sjá nánar hér að neðan. Þó svæðið við Lagarfossvirkjun hafi verið raskað og skilgreint sem iðnaðarsvæði er mikilvægt að skoða ítarlega farleiðir fugla á svæðinu og hugsanleg áhrif á fuglalíf þar sem um er að ræða vindmyllur.

Hér á eftir fylgja ýmsar ábendingar, sem ýmist geta átt við eða ekki, sem varða lífríki, jarðminjar o.fl., og geta komið sér vel við frekari vinnslu á skipulaginu og verið leiðbeinandi um hvort það vanti að tilgreina eða fjalla um einhverja náttúrufræðisáætlanir eða áhrif á þá.

Ábendingar

Almennt vill Náttúrufræðistofnun benda á að í lögum um náttúruvernd nr. 60/2013 er að finna ýmis ákvæði sem eru leiðbeinandi um hvernig ber að nálgast vernd náttúruminja (s.s. lífríkis, jarðminja og landslags). Náttúrufræðistofnun leggur áherslu á að í allri matsvinnu/skipulagsvinnu sé skoðað hvernig framkvæmdir/skipulag samræmast almennum markmiðum laganna sem koma fram í 1., 2. og 3. gr. þeirra, 1. gr. (*Markmið laganna*), 2. gr. (*Verndarmarkmið fyrir vistgerðir, vistkerfi og tegundir*) og 3. gr. (*Verndarmarkmið fyrir jarðminjar, vatnasvæði, landslag og víðerni*). Einnig þarf að skoða einstakar greinar sem geta átt við. Hér má t.d. nefna greinar 6. til 12. um meginreglur hvað varðar náttúru- og umhverfisvernd, 14. gr. um hlutverk náttúruverndarnefnda, kafla IV um almannarétt, útivist og umgengni, kafla IX um friðun vistkerfa, vistgerða og tegunda, 61. gr. um sérstaka vernd vistkerfa, jarðminja o.fl., 63. grein um framandi lífverur og svo auðvitað kafla XII um skipulagsgerð, framkvæmdir og fleira, greinar 68. til 73., þar sem komið er inn á gerð skipulagsáætlana, hönnun mannvirkja og ræktun.

Við gerð skipulagsáætlana er mikilvægt að skoða áhrif allra framangreindra lagagreina sem ýmist geta átt við eða ekki.

Náttúrufræðistofnun vill einnig benda á eftirfarandi gögn sem geta komið að notum: Fjölrit nr. 54, Vistgerðir á Íslandi, http://utgafa.ni.is/fjolrit/Fjolrit_54.pdf og <http://ni.is/grodur/vistgerdir> sjá jafnframt kortasjá <http://ni.is/midlun/utgafa/kort/vistgerdakort>, og Fjölrit nr. 55, Mikilvæg fuglasvæði, <http://ni.is/dyr/fuglar/mikilvaeg-fugasvaedi> og http://utgafa.ni.is/fjolrit/Fjolrit_55.pdf. Jafnframt er bent á að stofnunin hefur nýlega lagt til við umhverfis- og auðlindaráðuneytið, að vernda skuli ákveðin svæði á landinu og að þau verði sett á framkvæmdaáætlun eða B-hluta náttúrufræðisáætlana í samræmi við lög nr. 60/2013. Öll svæðin má sjá hér: <http://ni.is/midlun/naturuminjaskra> en einnig má skoða tillögurnar í kortasjá, <https://naturuminjaskra.ni.is/>, sjá sérstaklega <https://www.ni.is/node/21616> og <https://www.ni.is/node/16177>. Á það skal bent að tillögur Náttúrufræðistofnunar til ráðherra eiga eftir að fara í formlegt ferli í samræmi við 36. grein fyrrgreindra laga. Á þessari stundu segja tillögurnar því ekkert um hvort ákveðið skipulag/starfsemi falli að verndartillögu eða ekki eða hvort tillaga nái fram að ganga. Ná tillögurnar fram að ganga á einnig eftir að fjalla um skilamála sem varða verndina. Það skal því ítrekað að hér er um faglegt álit Náttúrufræðistofnunar að ræða sem eftir á vinna úr í samræmi við lög um náttúruvernd. <http://ni.is/midlun/naturuminjaskra>. Finna má upplýsingar um aðferðafræði við mat á verndargildi og val á verndarsvæðum hér:

<http://utgafa.ni.is/skyrslur/2019/NI-19008.pdf>

Einnig má finna upplýsingar um 61. gr. laga um náttúruvernd hér:
<https://ni.is/midlun/utgafa/kort/serstok-vernd> og upplýsingar um jarðfræði Íslands hér:
<https://jardfraedikort.ni.is/>.

Yfirlit yfir valista má finna hér: <https://ni.is/midlun/utgafa/valistar>.

Náttúrufræðistofnun leggur áherslu á að allar ákvarðanir í mats- eða skipulagsvinnu byggji á sem bestum þekkingargrunni hvað varðar náttúrufar og að alltaf sé leitað leiða til að koma í veg fyrir neikvæð áhrif á náttúruna.

Náttúrufræðistofnun áskilur sér rétt til að koma að frekari athugasemdum á síðari stigum þessa máls gerist þörf á því.

Virðingarfyllst,

Trausti Baldursson
Náttúrufræðistofnun Íslands
Icelandic Institute of Natural History
Urriðaholtsstræti 6-8
210 Garðabær
Sími/Tele: 590 0500
Email: trausti@ni.is



Frá: Svanhvít Antonsdóttir Michelsen <dandy@egilsstadir.is>
Dags: 28-11-2019 10:31:03
Til: "ni@ni.is" <ni@ni.is>
Efni: 201906113 - Tillaga að b

Góðan dag

Meðfylgjandi er deiliskipulagslýsing og auglýsing vegna breytingar á vindorku við Lagarfoss Fljótshéraði.

Kveðja

Dandý

Fljotsdalsherad_umhverfismál_2

Dandý Antonsdóttir Michelsen
Ritari skipulags- og byggingarfulltrúa

(354) 4700700

dandy@egilsstadir.is

https://www.ingviorn.net/vinna/Fljotsdalsherad/emailsignatures/Emailsignatures_allar/fljotsdalsherad_Merki_2x.png